

Տարեցների համար նախատեսված ժամանակակից կենտրոնի ստեղծում Երևան քաղաքում



Ծրագրի նկարագիր


Ծրագրի նպատակն է Երևանում ստեղծել տարեցների համար նախատեսված հատուկ կենտրոն, որտեղ բնակվող տարեցները կօգտվեն բարձրակարգ առողջապահական և սոցիալական ծառայություններից, ապահովված կլինի հանգստի և ժամանցի անհրաժեշտ պայմաններով: Համալիրում կգործի նաև տարեցների ցերեկային կենտրոն:

Համալիրի առանձին բնակավայրերն իրենցից կներկայացնեն ժամանակակից բժշկական և սոցիալական հաստատություններ՝ նախատեսված մասնագիտական հատուկ խնամքի ապրելու հնարավորությունից զուրկ մարդկանց համար: Նախագծի իրականացումը թույլ կտա ապահովել ավելի լայն բժշկական և սոցիալական ծառայությունների շրջանակ տարեց և հաշմանդամ քաղաքացիների համար: Համալիրը բաղկացած կլինի մի քանի մասնաշենքից կամ քոթեջներից: Յուրաքանչյուր մասնաշենք կամ քոթեջ մասնագիտացած կլինի համապատասխան հիվանդությունների բուժման գործում (օրինակ՝ վերականգնում կոտրվածքներից և սրտի կաթվածներից, նյարդաբանական հիվանդություններ և այլն):



Համալիրում տարեցները հնարավորություն կունենան նաև մասնակցելու ժամանցային, մշակութային և սպորտային միջոցառումների, մասնակցել տարբեր խմբակների: Համալիրի կառուցման համար առաջարկվում է 2 լուծում՝

Տարբերակ 1. Շենքային համալիրի կառուցում՝
համապատասխան մասնաշենքերով:



Տարբերակ 2. Քոթեջային համալիրի կառուցում:



**Տեխնիկական
ցուցանիշներ**

Հողամասի մակերեսը կազմում 1,5-2 հա:
Տարբերակ 1. Շենքի հարկայնությունը՝ 2-3 հարկ: Մեկ հարկի մակերեսը՝ 2400 քմ, շենքի ընդհանուր մակերեսը՝ 6000 քառ.մ:
Տարբերակ 2. Կառուցապատումը՝ քոթեջային տիպի, ընդհանուր միջանցքով: Հարկայնությունը՝ 2 հարկ: Համալիրի մեկ հարկի ընդհանուր մակերեսը՝ 1100 քմ, շինարարության ընդհանուր մակերեսը՝ 2200 քառ.մ:

**Ծրագրի
ժամկետները**

Շինարարական աշխատանքների իրականացման ժամկետը 3 տարի է:

Ծրագրի արժեքը

Տարբերակ 1. Ընդհանուր արժեքը՝ 5,2 մլն ԱՄՆ դոլար, որից՝ շենքի շինարարության արժեքը՝ 4,8 մլն ԱՄՆ դոլար, բարեկարգման արժեքը՝ 0,4 մլն ԱՄՆ դոլար:
Տարբերակ 2. Ընդհանուր արժեքը՝ 2 մլն ԱՄՆ դոլար, որից՝ շենքի շինարարության արժեքը՝ 1,8 մլն ԱՄՆ դոլար, բարեկարգման արժեքը՝ 0,2 մլն ԱՄՆ դոլար:

**Ներդրումների ձևը և
հիմնական
պայմանները**

Ծրագիրը նախատեսվում է իրականացնել մասնավոր ներդրողի ներգրավմամբ: Երևանի քաղաքապետարանը ներդրողին կաջակցի ծրագրի իրականացման համար անհրաժեշտ փաստաթղթերի ձեռքբերման գործում:

Ներկա իրավիճակ

Առկա է հայեցակարգային նախագիծ: